

DE VARIIS HÆMORRAGIÆ  
SISTENDÆ METHODIS.

THESES  
ANATOMICÆ ET CHIRURGICÆ,

Quas, DEO DUCE, & Præsidi M. JOANNE-BAPTISTA-  
GUILLELMO FERRAND, Facultatis Artium &  
Chirurgiæ Magistro, Regiæ Chirurgiæ Academiæ Socio,  
Scholarum Chirurgiæ Practicarum Professore, nec non  
Regiæ Scientiarum, Litterarum & Artium Academiæ  
Rothomagensis correspondente, tueri conabitur JACOBUS-  
LUDOVICUS MOREAU Parisinus, præclaræ Artium Facul-  
tatis Magister in Universitate Parisiensi, nec non ~~Primarii~~  
Magni Nosocomii Parisiensis ~~Chirurgi adjutor~~ *chirurgus*  
*internus tantum.*

PARISIIS, et Magni Moreau filius.  
IN REGIIS CHIRURGICÆ SCHOLIS,

Die Veneris, vigesima-nona Augusti, anno R. S. H. 1766, à sesqui-  
secundâ pomeridianâ ad septimam.

PRO ACTU PUBLICO

ET

MAGISTERII LAUREA.



Typis P. AL. LE PRIEUR, Regii Chirurg. Collegii  
Typographi.

M. DCC. LXVI.

*Le Moreau fils a cultivé  
en 1764. une petite maison  
en linge, avec qui il a passé  
en Hollande, il a laissé pour  
plus de 40000<sup>l</sup>. de dettes;  
son père des lettres de change  
qui cette fille, avait volé  
à sa maîtresse  
depuis est passé en Hollande  
ou il est mort en 1781*  
P



DE VALLIS HEMORRAGICAE

LOND. METROPOLIT.

THE H. H. H.

ALL TOM. 1. 2. 3.

OF THE H. H. H.

OF THE H. H. H.

OF THE H. H. H.

OF THE H. H. H.

OF THE H. H. H.

OF THE H. H. H.

OF THE H. H. H.

OF THE H. H. H.

OF THE H. H. H.

OF THE H. H. H.

OF THE H. H. H.

OF THE H. H. H.

OF THE H. H. H.

OF THE H. H. H.

OF THE H. H. H.

OF THE H. H. H.

OF THE H. H. H.

OF THE H. H. H.

OF THE H. H. H.

OF THE H. H. H.

OF THE H. H. H.

OF THE H. H. H.

OF THE H. H. H.





*D. O. M.*

DE VARIIS HEMORRAGIÆ  
SISTENDÆ METHODIS.

T H E S E S

ANATOMICÆ ET CHIRURGICÆ.

I.



B amico solidorum ac fluidorum duello fan-  
nitas & vita. Tamdiu vivit & valet homo,  
quamdiu, machinæ quâ informatur, vasa san-  
guis liberè transfluens, universis partibus,  
alimentum, calorem & robur, concinno ac  
irrequieto motu suppeditat. Ubi primùm  
motio cordis cessat, fluere quoque desinit  
purpureus vitæ fons, & jam non vivit homo. Hinc conjicere  
licet, quanto horrore percussa, obruta, reclamiter natura,  
cùm erumpentis torrentem sanguinis, animamque, frigido

A



è corpore discedentem, pavidè contemplamur. Ut beneficis fugiens vita retineatur vinculis, potentiùs supprimatur auxilio, effrænus sanguinis effluxus, suadet humanitas sancta, sacrâ lege, humanitatis filia, Chirurgia imperat. Quàm nobile & arduum Chirurgi munus! de Hæmorrhagiâ, variisque compescendæ hæmorrhagiæ methodis, dicere fert animus, postquam de sanguine, vasisque sanguiferis, nonnulla quædam in antecessum, paucis enucleaverimus.

## I I

SANGUIS, vitalis ille succus, humor est coccineo fulgens colore, lac consistentiâ æmulans, per totum corpus, ad vitæ conservationem, perenni motu fluens ac refluens.

LICET homogeneous videatur esse sanguis, è diversis generis moleculis, corporatur. Destillatus dat phlegma purum, alkali volatile, oleum animale, primò tenue, postea spissum, tandem que in cucurbitâ remanet carbo, ex cujus difficillimâ incineratione, paululùm salis communis, elixationis ope, extrahitur.

PER Microscopia spectatus, conflatur globulis Sphæricis tenuiori, ac ferè pellucido sero innatantibus, ita ut globi ex sex minoribus coalescentes, rubri sint, sed in partes resoluti, flavescens feri induant ingenium; cujus varii sunt colores (a). Rubræ partes, serosis sunt longè crassiores. Post rubicundum sanguinem, flavescens & ad ignem concreescens, humor observatur. Excolor ad ignem, ut albumen ovi, coeuns latex, lymphæ nomine donatur; pars aquea verò, calore non concreescens, lymphâ longè copiosior, feri nomen retinet.

VARIA sanguinis in animali sano principia, tam feliciter inter sese connubio junguntur, tam æquâ proportionem sibi invicem commiscuntur, attemperantur, ut per totius machinæ tubos sanguivehos penetrare, transfluere, circulare, purpureus latex valeat.

DUPLEX sanguinis motus, *intestinalis* scilicet & *progressivus*.

(a) Vid. Instit. Clariiss. Boerhaavii, edit. sextâ. pag. 127.



3

PRIORE, insensiles moleculæ inter se agitantur, commoventur, circa axim rotantur, haud secus ac agitari solent, omnium liquorum particulæ.

PROGRESSIVO motu, quem *circulatorium* seu *circulationem* vocant, ab uno corporis angulo, sanguis in alium per sua vasa decurrit, à corde, per arterias, in omnem corporis ambitum, protruditur ac fluit, & ex universo corpore, iterum per venas refluens, ad cor seu centrum motus, revehitur.

TERTIUM quemdam *fermentationis* motum, nonnulli admiscere Physici. Huic variam, humorum in peculiaribus vasis secretorum, productionem adscribere; sed gratis suppositus, tertius ille motus, nobis videtur.

### I I I.

ARTERIA tubus est elasticus, pulsans, conicus, sensim angustior, tandem minutissimus, sanguinem, è corde, ad omnes corporis partes, deferens.

DUÆ sunt in toto corpore arteriæ, *Pulmonalis* & *Aorta*, ex quibus, omnes, tamquam rami, scaturiunt.

QUINQUE membranis, teste *Heistero*, constantur. 1°. *Vasculosâ*, 2°. *Cellulosâ*, 3°. *Tendineâ*, 4°. *Musculosâ*, Fibris orbitalibus præcipuè constante; 5°. *Nerveâ*, in Arteriâ magnâ, potissimum observandâ.

VENA canalis est non pulsans, instar coni inversi, sanguinem aliosque humores, ab omni corporis ambitu, ad cor revehens.

TRES sunt venæ primariæ, *Pulmonalis*, *Cava*, *Vena portæ*.

TRIPLICI gaudent tunicâ, *Membranaceâ*, *Vasculosâ* & *Musculosâ*. Venarum longè tenuiores, quàm arteriarum, tunicæ. In ramis quibusdam, præsertim in artubus & coronariis, *valvulæ semilunares* modò simplices, modò duplices observantur; impediendo sanguinis regressum in systole cordis, hujus circulo succurrunt.



HÆMORRAGIA, vocabulum è Græcis derivatum, idem sonans ac copiosus sanguinis cum impetu effluxus, pro quâcumque sanguinis vitalis rubri effusione, sumitur.

QUADRUPLEX modo in universum fieri hæmorrhagiam, nemo inficias ibit; huic enim januam aperiunt, 1<sup>o</sup>. vasorum referatio, eorum imbecillitati, sanguinis copię, pravę diathesi tribuenda; 2<sup>o</sup>. transcolatio, seu sudor, a raritate, laxitate tunicę, sanguinis tenuitate, gracilium vasorum apertione, oriunda; 3<sup>o</sup>. Tunicarum divisio, a vulnere, contusione, ruptione; 4<sup>o</sup>. tandem exulceratio, intrinsecus aut extrinsecus facta.

HÆMORRAGIÆ sunt criticę, vel symptomaticę, de eâ tantummodò quę sit a vulnere, propter thesæos limites, dicemus: quod ut concinnius tractetur, perpendendum

1<sup>o</sup>. UNDÈ effluat sanguis, an è vasis immediatè, sive è poris carnosarum partium; 2<sup>o</sup>. an ex arteriâ, aut ex venâ; 3<sup>o</sup>. an arteria sit ampla & cordi proxima; 4<sup>o</sup>. utrùm transversim omninò dissecetur, vel non totâ dissectâ, transversim vulneretur; 5<sup>o</sup>. an effluxus sit merè passivus, ut in vulnere recente, an activus, congestione pressoriâ ad vulnus sustentatus, ut in contusis observate licet; 6<sup>o</sup>. utrùm vulnerati, sint plethorici, hæmorrhagiis assueti; 7<sup>o</sup>. tandem an carnis fungosę, luxuriantis, & aliorum epigenesium sectiones, hæmorrhagia sequatur.

## V.

VULNERATA arteriâ, pleno tunc vivo, per subsultus, nunc minori, mox majori impetu, undatim erumpit sanguis, cujus color exeuntis, coccineus fulgens est. Duobus his signis, sanguinem ex arteriâ, non ex venâ, eructare novimus.

VENA aperta, etiã si majori diametro donata supponatur, leni stillicidio plerumquè, sanguinem magis nigricantem, minusque rutilum fundit. Diximus *plerumquè*, quia in summè plethoricis, motu convulsivo afflictis, sanguis quandoquè copiosus, cum imperu & per subsultus, confertim è tonsâ venâ exillit; quod pluriès observavit, hujusce actûs præses.



Si arteria capax & cordi proxima fecerur, animi deliquia, tabes, lenta gangræna; brevi subsequuntur, brevi heu! Vitam fundunt cum sanguine infelices vulnerati. Una salus tunc miseris, nullo deficientem animam recreare artificio, nullis, fugientem vitam, refocillare cardiacis.

Si arteria non nimis magna, nec cordi admodum proxima, inquit clarissimus *Boerhaavius*, omnino transversim dissece-  
tur, retrosiliens, atque inter vicina solida se recondens, sibi-  
met obturaculo est. Si verò eadem vulneretur, non totâ dis-  
sectâ, retroractis fibris, vulnus ampliatur, hinc hæmorra-  
gia perpetua, &c.

Hæc sunt præcipua hæmorrhagiæ phænomena.

## V I.

Quò ampliora pertunduntur vasa, hoc graviores fiunt san-  
guinis effusiones, quæ sibi relictæ, nisi celerrimè miseris  
vulneratorum rebus succurratur, vires brevi exhaustiunt, &  
imbecillitatem vitæ, animi deliquium, frigidam depletorum  
vasorum quietem, celeri passu, pallida mors sæpissimè sequitur.

Ut expeditis sistantur auxiliis hæmorrhagiæ, imperat Chi-  
rurgia prudens, eâ tamen cum cautelâ, ut non maturè nimis,  
si corpus sit juvenile, robustum, sanguineque turgidum, cohi-  
beantur; graviora enim, sæpè sæpius exindè scaturiunt sympto-  
mata, dolores spastici, agrypnia, febres inflammatoriæ pe-  
riculosæ, aliaque id genus, tumores putâ, &c. Immo recru-  
descentis hæmorrhagiæ, periculum adest.

MORBOS chronicos pessimi moris, copiosissimo sanguinis  
subitò revulsi effluxu, post salutare vulnus inflictum, feliciter  
fanatos fuisse, praxis haud improspéra probat: quod atten-  
tione præcipuè dignum nobis videtur; natura enim, speciali  
quodam ac revulsivo in partem læsam appulsu, apertâ quasi  
portâ utitur, & ab incommodo, sanguinis optatâ viâ jam  
dudum defraudati, quo oppressa fatiscebat, pondere, sese  
liberat. Hinc videre est, quanto cum periculo, hisce in casu-  
bus, maturè nimis, supprimeretur hæmorrhagia.

QUANDÒ juxta fibrarum longitudinem, currunt vulnera,



minùs difficulter cohibetur sanguinis effluxus, multò difficiliùs, quando transversim inflicta sunt.

LICET venarum hæmorrhagiæ, longè faciliùs sistantur, quàm arteriarum, attamen cruoris, è venis amplioribus graviter vulneratis, jugiter & copiosè effluentis evacuatio, ægrum, in imminentem vitæ periculum, conjicit.

QUÆ post repentinam nimis suppressionem, recrudescit hæmorrhagia, majoris est momenti, quàm prima.

## V I I.

### NUNC ad Remedia.

AD hæmorrhagias compescendas, varia & multiplici è fonte deprompta artificia, sagax Chirurgorum industria excogitavit. Ferrum candens, corrosiva, adstringentia, fungus agaricus, ligatura, dissectio vasis integra, linamenta, fasciæ & splenia pyramidalia, necnon peculiaria instrumenta, totidem sunt, diversæ ad propositum scopum methodi (b), quæ omnes agunt, vel obturando, constringendo tubi aperti orificium, vel coagulando, inspissando humores, thrombum seu coagulum effluenti sanguini inducunt, sicque ulteriorem impediunt effluxum, vel denique, utrumque simul præstant. Cujuslibet vim ac potentiam, paucis enucleatè perpendamus.

1°. Si causticis ignitis, vas sanguinem fundens tangatur, tenuior illicò, vitalis illius liquoris, pars in auras avolat, densa, nec ampliùs resolvenda remanet massa, quæ vasis aperti orificium obturat: ignis activitate crispatur, comburitur ipsum vas; undè utriusque hujus effectûs concursu simultaneo, erumpens supprimitur sanguis. Sed hæc methodus, pessimo semper instituitur consilio, propter gravissima, quibus stipatur, accidentia. Ustionis comites sunt individui, dolor acerbus, irritatio spastica, valida inflammatio, &c. Prætereà, partes destructæ, suppuratione factâ, à vivis partibus secedent, undè escharâ deciduâ, post paucos dies recrudescet hæmorrhagia. His ducti rationum momentis, ferri candentis usum, ut crudelem ac infidum, reprobamus.

(b) Vid. Clarissimi *Wanswieten* Commentaria in Aphorismos *Hermani Boerhaav.*



2°. IDEM esto iudicium de corrosivis, quæ cùm acerrima sint remedia, partes quibus applicantur, rodunt, consumunt ac destruunt, nervos, vasa, tendines pessimè irritant. Idem novæ hæmorrhagiæ, ac à ferri candentis usu, periculum imminet. Si prosperè, quandoquè successerit, laudatissimus vitrioli Cyprini usus, idoneæ deligationi, quæ sola plerumquè sufficit, felix tribuatur eventus.

3°. ADSTRINGENTIA in genere, substantiæ sunt acido-austere, quarum applicatione, corporis partes, propius ad se invicem accedere, plusque coherere, coguntur. Variæ sunt, ut nemini non notum, pro vario intensitatis gradu, adstringentium classes, quas enumerare, ut & brevior pagina vetat, sic & extra pensî nostri rationem positum. Nobis annotare sufficiat, validiora adhibenda fore adstringentia, ut erumpentis sanguinis sistatur impetus. Tonica hæc adstringentia qualia sint, qualique sub formâ ministrentur, vel constringendo vasa, vel sanguini coagulum inducendo, vel etiam, utrumque simul efficiendo, suam impendunt operam; sed hos effectus præstare nequeunt, quin majus solidis robur concilient, quin motum vasorum contractilem augeant, verbo dicam, quin hæmorrhagia, nedùm compescatur, è contrâ exacerbescat.

POTENTISSIMA inter adstringentia, imprimis laudatur alcohol; hujus enim applicatione, sanguis in scissilem illicò massam convertitur, simulque sat validè rigescunt ac contrahuntur solida. Sed medicamenti istius momentanea est actio, novæ quæ hæmorrhagiæ periculum imminet, si quidem vasis aperti orificium alkohole induratum, contrahetur ac recedet, sanguinis quæ concreti coagulum, vel sponte suâ, vel repetitis fluidi à tergo prementis ictibus, protrudetur. Evidens est igitur, nisi idoneâ deligatione & longâ compressione, retineatur thrombus, minùs tutum esse fugacissimum alkohol, nec fore unquam adhibendum.

ACERRIMA etiam jactantur styptica, qualia sunt acida fossilia, ut spiritus nitri, sulphuris, &c; sed de corrosivis, jam dictum fuit.

INTER adstringentia longè mitiora, annumerantur fungus vulgò dictus *lycoperdon*, sanguis draconis, granatorum cortices; &c. sed non sat validâ pollent energiâ, ut ab iis solis, hæmorrhagiæ sedatio, expectari jure valeat.



SUNT & adhuc pulveres, gypsi pulvis v. g. farina volatilis; aliaque bibula corpora; sed licet liquida avidè absorbeant, & cum liquidis absorptis concrecant, non tutò vasis aperti exitus obturatur; si enim major arteria dissecta fuerit, effluentis impetu sanguinis averrentur hi pulveres, sicque absque convenienti compressione, optatum effectum, præstare non valebunt.

QUÆDAM adstringentia, imbecillia, ac inepta rejicimus.

QUÆDAM nimis tonica, vasorum contractilitatem nimis stimulando, hæmorrhagiam augent. His non confidimus.

ALIA tandem corrosivâ suâ virtute, vasorum parietes, vicinaque partes rodunt, consumunt ac destruunt, escharâ que deciduâ, novæ sanguinis effusioni ansam præbent. Hæc è therapæiâ Chirurgicâ fore expungenda, censemus.

NULLA absque compressione debitâ, torrentem sanguinis sistunt.

4°. FUNGUS agaricus pedis equini facie, substantia insipida, textum præbet vasis discissi orificio spongiosum, subtilissimum, aliquo elatere donatum: ritè obturato vasis orificio, serosam thrombi partem absorbet, sicque portio axim occupans, intimiùs parietibus cohæret, dùm suapte contractili motu, constringitur orificium. Hunc-ce topicum, servatis servandis, convenienter applicatum, idoneâ que compressione ac deligatione retentum, prosperè multoties successisse, faustâ constat experienciâ. Prudentem ergò & compressione adjutam, fungi agarici applicationem, jure ac meritò laudamus.

5°. ARTIFICIOSA immortalis *Paræi* nostri ligatura, licet causticis ignitis, corrosivisque longè præstantior ac tutior, non est tamen numeris omnibus absoluta, sua habet incommoda, sua pericula, suis stipatur accidentibus & quidem gravioribus. Si enim ligari possit vas apertum, vel sola ligabitur arteria, vel unâ cum parte circompositæ carnis; si sola, filo potest discindi, aut ligaturâ deciduâ, recrudescere hæmorrhagia; quod nimis infausta, pluriès probavit experientia. Si in ansâ fili, vicinæ partes comprehendantur, exindè dolor, inflammatio, febris, eorumque pedisequi; si nervi vinculo interci-



pianantur, inviti & convulsivi motus succedunt, quibus quandoquē & ligatura solvitur & sanguinis effluxus redit, ut neminem Chirurgum latet. Undē hāc methodo toties adhibitā nimis non confidimus, illius tamen usum, in magnis extirpationibus artuum, non improbamus.

QUANDŌ non omninō dissecta est mediocris arteria, si debitā compressione, sanguinis effusio non sistatur, quia, retrahentis propriā elasticitate fibris, vulnūs ampliātum protenditur, tunc vas integrē discindendum est, ut hujus extrema resiliendo, sub vicinis partibus delitescant, suoque contractili motu & ambientium partium pressione claudantur, sicque supprimatur hēmorrhagia. Tutō, ut evidens est, non sic omninō secaretur arteria magna & cordi proxima. Alio tunc foret artificio, hēmorrhagiæ sedatio, tentanda.

6°. COMPRESSIO doctē & sagaciter instituta, omnium est præstantissima methodus. Vel fit perpendiculariter in patulum vasis discissi orificium, vel à latere vasis applicatur, & sic parietes ejus, contigui facti, connivent.

PRIOR, sistit quidem sanguinis effluxum, sed thrombus concreti sanguinis, cum cylindricus sit, patulamque vasis aperti superficiem diametro æquet, à torrente sanguinis à tergo impulsus protrudetur, indē nova hēmorrhagia, nisi valida hęc compressio exerceatur, quousquē thrombus, cum vasis lateribus firmissimē adhæserit. Præterea, illud habet incommodi, quod inflammatione ejusque consecutariis, quandoquē stipetur.

LATERALIS compressio, si fieri queat, agatque tantum modō in vasis aperti latera, omnes methodos longē superat. Conniventes enim vasis parietes, latā superficiei concreverunt, thrombus pone compressos parietes hærens, cum ferē pyramidalis sit, apice angusto, patulæ superficiei correspondebit, dūm basi, cavum vasis obturabit; hinc non poterit per complanatā arteriæ latera expelli; hinc major erupturo sanguini opponitur resistentia; hinc nullus recrudescentis hēmorrhagiæ metus. Artificiosa hęc compressio, frustra tentatis aliis remediis, periculosissimas compescuit hēmorrhagias. Itaque, licet in difficillimis etiam casibus, lege artis instituta, felicissimē successerit, quæ fit secundū vasis axim compressio, lateralis



tamen, palmam, propter rationes allatas, præripere, nobis videtur.

Nisi ampliores arteriæ, aut venæ dissectæ sint, linamenta paulò compacta, in vulnus ingesta, spleniis pyramidalibus & fasciis contenta, plerumquè sufficiunt.

7°. VARIA etiam, ad tutius compescendas hæmorrhagias, suppeditat machinamenta, Ars saluberrima; hæc inter annumerantur fasciæ contortiles *Morellii*, *Heisteri*, *Garengeoti*; sed ingeniosissimum torcular celeberrimi *M. Petit*, his multò præstantius est. Quam, pro sistendâ cruralis arteriæ hæmorrhagiâ, post amputatum femur propè pelvim, incassum adhibitis aliis remediis, feliciter invenit ac adhibuit Chirurgus egregius, non potest machina satis laudari (c). Quæ ad arteriam cruralem comprimendam, cum femur in parte suâ superiori amputatur, à Clarissimo *M. Louis* sagaciter fuit excogitata, inter utilissima, renovatæ Chirurgiæ, machinamenta, meritò recensetur,

8°. Hic opium, aliaque medicamenta interna parùm, aut nihil profunt. Quietem, diætam, pro re-natâ, Chirurgus imperet. Tundatur vena, &c.

9°. PRÆTER primarium hæmorrhagiæ sistendæ respectum, refarcienda veniunt damna, per nimium sanguinis effluxum inducta, defectum corpus reficiendum; prostratæ vires refocillandæ, nervi imbecilles recreandi: itaque conducent analeptica, emulsiva, gelatinosa, moderatè aromatisata, vinum Malvaticum, Hispanicum medicè datum, &c.

10°. PARS læsa vitali succo orbata, calidioribus medicamentis, nervino-balsamicis, ne debilitates chronicæ remaneant, reficiatur ac corroboretur. Hæc sunt naturæ artisque vota.

(c) Vid. in Actis Regiæ Chirurg. Acad. *Eloge de M. Petit, par M. Louis.*

FINIS.